

十一月

〔桑韓唱和瑣笈集八〕筆語○中

一玄機人參。本草以上黨及貴國所產爲最，而其所說苗狀各異，未知孰是。今敢奉問，其莖葉花實色澤

形狀及其地之寒暖、肥瘠、高下、陰陽、向背、伏乞詳示，且令畫工圖苗狀一本賜之，幸甚。權道人參本草

以上黨所產者爲上品，而我國則以北道高爽處所產者爲絕品，以全羅道卑濕處所產者爲賤品。北道人參枝葉莖苗與本草所畫上黨人參無異，全羅道人參則小異，以此言之，其優劣可知耳。至於橫畫，則唯畫師能之，卽今畫師痛臥，故未副副意耳。

〔廣參說〕嘗聞攝州恒川生有言曰：廣參之始來於長崎也。土人安川上田兩生問其名，答曰：是安筮草根，用補治血分之虛，有經驗，而兩生以其有參形而効亦相似，俱多購得以貨於四方，大得其利，竟名曰廣東人參。俗醫用之有驗，爾來清賈之帶至，陸續不歇，以爲貨物，近有質之十善寺所寓程赤城等者，答曰：廣東人參之稱，似係貴地方言，在唐多有不通，至于醫家藥鋪等，唯有西洋人參，或洋參之名耳。此宗原係西洋人年々帶至廣東之地，貿易分售各處云々，或曰：向有清賈及病篤乞參於官者，詰之曰：汝盍用所帶來之洋參，其人密言：洋參卽我地之三七也。雖非真參，貴邦以爲參用，故多帶爲貨物耳。其事發覺，官有嚴禁，其後蒙禁弛，復僨來，至今其形似人參，肥短而重，皮有橫文如沙參，有縱文者少。始渡者黃黑色，故肆人以其色彷彿舶芍藥稱芍藥樣，或略呼勻參。今來者黃白色，不類芍藥，間有以他物造者，其根不重，又有形如節參細而不直者，肆人呼爲蘆頭，又有本根上連蘆頭者，又有形團如珠參者，俱皆味甘而帶苦，全同人參味，其不苦者，不甘者，帶鹹者，帶葷者，皆係僞造矣。若夫三七則有古渡傳言，天和壬戌所僨來，今則不來，故世人少有識之者，言之亦多疑不信，實所謂以所不睹而不信，若蟬不知雪者也。余所藏古渡三七之品，亦不一而足，其形似節參而不純苦，有細有粗，皆黃黑色，正符東壁言如老乾地黃有節味微甘而苦，頗似人參之味，中立言類竹節參味甘而苦，亦似參味，但色不同，參色黃白，而三七色